

Landesbibliothek Oldenburg

Digitalisierung von Drucken

**Clementissimis Auspiciis Fridericianis De Emphasi
Sacrarum Vocum, Ex veteri Hist. Hebr. repetenda, publice
cum aliis colloquuntur**

Ad diem XII. Maji A. a partu Virginis MDCCIII. In Auditorio Theologorum

Dassovius, Theodor Dassovius, Theodor

Kiloni[i], 1714

VD18 90523733

Vorwort

urn:nbn:de:gbv:45:1-10336

PROOEMIUM.

CUm anno superiore aliquas sacri codicis sententias ex historia Hebræa interpretaremur, temporis angustia exclusi paucastantummodo protulimus in medium; itaque paulatim, prout aliquid nanciscemur otii, plures ejusmodi attingemus, ut, quas emphases sacrarum vocum indagare alii non potuerint, utpote adminiculis discendi sive autoribus Hebræis destituti, ulterius rimemur & quantaha harum emphasium certitudo sit, quæ usu rerum & consuetudine vivendi veterum confirmantur, jucunde & luculenter constet. Neque tamen eas repetemus emphases, quæ in Lexicon nostrum emphaticum congeessimus, sed novas scrutabimur, cum satis numerosæ in monumentis Hebræorum veterum occurrant. Qui labor eo diligentius debet suscipi, quo major inde speratur fructus, siquidem non modo veteris sed & novi fœderis loquendi formulæ sat multæ intelligi sine historia Hebræa nequeunt, quæ facem iis fulgidissimam accendit atque præfert. Sit itaque opitulante divino Numine,

⊙ (†) ⊙
COMMA I.

Psalmo 51. v. 4.

Expia me hyssopo.

§. I.

Mirum videri possit, cur David non expiari victima pro peccato cæsa voluerit, siquidem facile dare ejusmodi victimam potuisset, cum in re lauta viveret, & alii ejusmodi victima expiarentur, sed tamen si veterem consulimus historiam, facile advertimus, ejus peccata nullo potuisse victimarum expiari sanguine, utpote nimis atrociam & enormiam.

§. II.

Nam si victimæ pro peccato cæderentur, peccatum ex ignorantia commissum erat, ceu docent Hebræi veteres. *Vid. Maimon: in libro de erroribus c. 1. §. 1.* Jam vero David non ex ignorantia sed pro hæresi, deliquerat. Ergo nec victima pro peccato cæsa liberari a contracto reatu poterat. Sed exquisitius requirebatur remedium, aspersio videlicet hyssopo facta, utpote quæ, quia adversus immunditiem omnium maximam valebat, nempe adversus immunditiem ex mortuo contractam, hinc etiam omnes victimarum sanguines pretio suo & dignitate superabat, quandoquidem qui victimarum sanguine juvari non poterant, hac aqua lustrali, nimirum hyssopo in aquam vaccæ rufæ cineribus mixtam intincta juvabantur, & sic simul David se esse
in